

tur easdem literas Apostolicas eidem tunc præsentatas exsequi, secundum ipsarum literarum seriem & tenorem. Et insuper ipsi D. plebano & exsecutori Apostolico, præsentibus me Notario ac testibus infrascriptis, alias literas suprascripti D. N. Papæ clausas cum bulla plumbea ipsius D. N. Papæ ad cordulam canapis secundum ritum Rom. Cur. munitas, in quibus dicitur contineri juramentum, de quo in aliis literis fit mentio. Quarum quidem literarum secundo loco præsentatarum tenor per omnia sequitur, & est talis.

## 2. Forma juramenti.

507) Ego Antonius Michaelis plebanus Ecclesiæ S. Cassiani de Venetiis Castel. Diœc. ab hac hora in antea fidelis & obediens ero B. Petro, sanctæque Apostolicæ Rom. Ecclesiæ, ac D. nostro, D. Eugenio Papæ IV, suisque successoribus canonice intrantibus. Non ero in consilio, consensu, tractatu vel facto, ut vitam aut membrum perdant, seu quod contra alicujus eorum personam, vel in ipsorum, aut Ecclesiæ ejusdem, sive Sedis Apostolicæ auctoritatem, honoris, privilegiorum, jurium, vel Apostolicorum statutorum, ordinationum, reservationum, dispositionum, sive mandatorum derogationem vel præjudicium, machinationes aut conspirationes fiant. Et si, ac quotiens aliquid horum tentari sciverim, id ne fiat pro posse impediam: ac quantocius commode potero eidem D. N. vel alteri, per quem ad ipsius notitiam pervenire possit, significabo. Consilium vero, quod ( in, forse mihi ) per se, aut nuncios, seu literas credituri sunt,